

Broj: S-62-1/24
Sarajevo, 8.7.2024. godine

PARLAMENT FEDERACIJE BOSNE I HERCEGOVINE
ZASTUPNIČKI DOM PARLAMENTA BOSNE I HERCEGOVINE
N/r Dragan Mioković, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:	15-07-2024		
Org. jed.	Broj	Priloga	Vrijednost
05/1	-02	410	124

PREDMET: Odgovor na zastupničko pitanje, d o s t a v l j a s e
Veza: Vaš akt broj: 05/1-02-410/24 od 3.7.2024. godine

Poštovani,

Vašim aktom broj i datum gornji, Ustavnom sudu Federacije Bosne i Hercegovine dostavili ste zastupničko pitanje zastupnika Zastupničkog doma Parlamenta Federacije Bosne i Hercegovine Admira Čavalića, koji traži da se mu se dole navedena rješenja dostave na latiničnom pismu:

- Rješenje Ustavnog suda Federacije Bosne i Hercegovine broj: U-56/23 od 27.5.2024. godine
- Rješenje Ustavnog suda Federacije Bosne i Hercegovine broj: U-7/24 od 27.5.2024. godine
- Rješenje Ustavnog suda Federacije Bosne i Hercegovine broj: U-8/24 od 27.5.2024. godine

U vezi sa navedenim dajemo sljedeći:

ODGOVOR

Članom 6. stav 1. Poslovnika Ustavnog suda Federacije Bosne i Hercegovine („Službene novine Federacije BiH“, br.: 40/10, 18/16, 26/23 i 37/24) - u daljem tekstu: Poslovnik Ustavnog suda Federacije, propisano je da se presude, rješenja i mišljenja koja daje Sud objavljuju u službenom glasniku na bosanskom, hrvatskom i srpskom jeziku, u latiničnom i ćirilicnom pismu. Stavom 3. istog člana Poslovnika Ustavnog suda Federacije, propisano je da se odluke Suda dostavljaju strankama u postupku na jednom od službenih jezika i pisama kojim se ta stranka služila u postupku pred Sudom.

Dakle, u skladu sa gore navedenim odredbama Poslovnika Ustavnog suda Federacije, nakon donošenja Rješenja broj: U-56/23 od 27.05.2023. godine, a potom i Rješenja broj: U-7/24 od 27.05.2023. godine, ista su dostavljena strankama u postupku i objavljena u Službenim novinama Federacije Bosne i Hercegovine.

- Rješenje Ustavnog suda Federacije Bosne i Hercegovine broj: U-56/23 od 27.05.2023. godine, objavljeno je u „Službenim novinama Federacije Bosne i Hercegovine“, broj: 51/24 od 05.07.2024. godine, na sva tri službena jezika u Bosni i Hercegovini u latiničnom i ćirilicnom pismu.

- Rješenje Ustavnog suda Federacije Bosne i Hercegovine broj: U-7/24 od 27.05.2023. godine, objavljeno je u „Službenim novinama Federacije Bosne i Hercegovine“, broj: 51/24 od

05.07.2024. godine, na sva tri službena jezika u Bosni i Hercegovini u latiničnom i ćiriličnom pismu.


Isto tako, oba navedena rješenja se nalaze i na službenoj web stranici Ustavnog suda Federacije Bosne i Hercegovine: www.ustavnisudfbih.ba, također objavljena na sva tri službena jezika u latiničnom i ćiriličnom pismu.

U odnosu na predmet broj: U-8/24, informišemo Vas da je isti u postupku rješavanja te da odluka još nije donesena, zbog čega i nismo u mogućnosti dostaviti traženu odluku odnosno informacije u vezi iste.

Nakon što se donese odluka u naprijed navedenom predmetu, ista će se u skladu sa odredbama Poslovnika Ustavnog suda Federacije, dostaviti strankama u postupku, objaviti u Službenim novinama Federacije Bosne i Hercegovine i na službenoj web stranici Ustavnog suda Federacije Bosne i Hercegovine.

S poštovanjem,

Predsjednica
Ustavnog suda Federacije
Bosne i Hercegovine


Aleksandra Martinović

Dostaviti:

1. Naslovu
2. U spis.

